

十葯神書

韡園醫學六種

十藥神書

蘇州振新書社藏板

余奉使渡臺後感受海外瘴癘吐血咳嗽公好繙閱是編照方試服不旬日血止而嗽亦平矣深服是編十方治法為切中竅要蓋吐血原于肺胃上逆十灰散用柏葉以飲肺大黃以降胃牡丹皮山梔等味以瀉肝膽之火然後清金補土因其營衛以次奏功焉得不痛經陳修園先生逐方詳注極為精當余又以已衰及名人所論隨筆添註於上汪子用大令索閱是編讀而好

之用之有效因為付梓剞劂既竣并乞
并言光緒己卯秋吳潘霽書於鄂署
之精白堂

夫人之生皆稟天地之氣而成形宜乎保養真元固守
根本則一病不生四體輕健若曰不養真元不守根本
病卽生矣根本者氣血精津也予得先師之教萬病無
如癆症之難蓋因人之壯年血氣充聚精液完足之際
不能守養惟務酒色豈分饑飽日夜耽慾無有休息以
致耗散精液則嘔血吐痰骨蒸煩熱腎虛精竭形羸頰
紅面白口乾咽燥小便白濁遺精盜汗飲食難進氣力
全無斯因火乘金位重則半年而斃輕則一載而傾况
爲醫者不究其源不通其治或大寒大熱之藥妄投亂
進不能取效殊不知大寒則愈虛其中大熱則愈竭其

內所以世之醫者無察其情予師用藥治癆如羿之射無不中的余以用藥次第開列於後用藥之法逐一條陳如嘔血咳嗽者先服十灰散揭住如不住者須以花蕊石散止之大抵血熱則行血冷則凝見黑則止此定理也止血之後患人必疏解其體用獨參湯補之令其熟睡一覺不要驚動醒則病去六七矣次服保真湯止嗽甯肺太平丸潤肺扶痿消化丸下痰疏氣保和湯分治血盛痰盛喘盛熱盛風盛寒盛六事加味治之餘無加法又服藥法曰三日前服保真湯三日後服保和湯二藥相間服之爲準每日仍濃煎薄荷湯灌漱喉中用

太平丸徐徐嚥下次噙一丸緩緩化下至上床時候如
此用之夜則肺竅開藥必流入肺竅此訣最爲切要如
痰壅却先用飭糖烱消化丸百丸吞下又依前嚼太平
丸令其仰臥而睡嗽必止矣如有餘嗽可煮潤肺膏服
之復其根本完其真元全愈之後方合十珍丸服之此
謂收功起身藥也前藥如神之妙如神之靈雖岐扁再
世不過於此吁世之方脉用藥不過草木金石碌碌之
常耳何以得此通神訣要奇異之靈也余蒙師授此書
吳中治癆何止千萬人哉未嘗傳與一人今衛世恐此
泯失重次序一新名曰十藥神書留遺子孫以廣其傳

矣時至正乙酉一陽日可久書於姑蘇養道丹房
余自髫稚學業醫道攷究方脉三十餘年遍歷江湖多
學廣博者不過言語文字形容之耳及至用藥治病皆
不能捷是以日夜苦心用志務在中病後遇至人同處
三月斯人極明醫道精通方術用藥如發矢無不中的
余曰必神人也遂拜爲師得授奇方一冊閱之或羣隊
者或三四味者皆余目觀至人用效者也使予如久旱
逢霖夜行得月心中豁然自此回至吳中一用一捷無
不刻驗信乎奇方可鉅梓者也余以三餘暇日將至人
所授奇方併日用決效之法類成一帙名曰十藥神書

蓋用效者輒記錄之今西浙大癡道人與余通家之好用禮求授故錄以奉養生濟人之功用爾時至正戊子春正月三陽日可久再書於姑蘇春先堂

							<p>晉王與三國曰何人再世公故植亦求定</p>	<p>取御未定地檢山家資土衛人之也</p>	<p>取文書地五時之本也</p>
--	--	--	--	--	--	--	-------------------------	-----------------------	------------------

此葉天士家藏秘書也前此流傳皆爲贗本余歸田後始得原書重爲訂注附於傷寒論金匱要略之後蓋以傷寒論金匱要略爲萬古不易之準繩而此書則奇以取勝也然奇而不離於正故可取焉閩長樂陳念祖識

吾吳天士葉先生凡治吐血症皆祖葛可久十藥神書
更參以人之情性病之淺深隨宜應變無過不及治無
不愈然亦治之於初病之時與夫病之未經深入者若
至五藏遍傳雖虛扁亦莫可如何矣家藏此書有年幾
獲脉望故亟付梓然書中僅列十方世皆以方少忽之
不知十方中錯綜變化有幾千百方故復採周氏之說
使人粗曉業是者更察虛損二字分自上而下自下而
上自不致槩以六味開手矣古吳瘦樵程永培識

姑蘓葛可久先生精通方術與丹溪朱彥修齊各所著
十藥祥書專治虛損雖編中僅列十方而用藥之次第
逐一條陳吳航陳修園謂其奇而不離於正誠哉是言
也顧前此流傳皆爲贗本修園解組後始得原書重加
注解將刊附於傷寒論金匱要略之後而未果乙卯歲
萱從舊書坊中得一鈔本於今三年矣遍詢方家俱無
是書萱不敢私自秘藏因並作湯方俚詞亟謀付梓以
廣其傳庶不負先生壽世壽人之意云爾咸豐歲次彊
圉大荒落季冬後學林壽萱謹跋

六書說文解字詁林卷之八

九轉丸不質者主我世壽人之意行爾歟豈知夫聖

人書豈不難味自蘇淵田並行焉式野捕也若林以

百黃書書我中爵一給木於今三平矣厥儲其寒月

出報神以胡其謝埃前金題聖訓之齋而未果了眼

而購神此流神吾靈聖本針爾流膝外故博烈海

心一新朝與誰刺到國附其有而不讀其有

藥撫書專節靈出那藤中論限十衣而用整之太

蘇真四八卷七終錄文附與代需米查到夜空

十藥神書目錄

甲字十灰散

乙字花蕊石散

丙字獨參湯

丁字保和湯

戊字保真湯

己字太平丸

又名寧嗽金丹

庚字沉香消化丸

辛字潤肺膏

壬字白鳳膏